

1 Sliqueb lequil 'a'yej li'i, sventa Jesuscristo,
Snich'on Dios.

2 Ja' smelol sventa Cajvaltic ts'ibabil icom ta svun
Dios yu'un j'al-c'op Isafas. Jech ta xal ta svun
Dios:

"'A'yo ava'i, ta jtac ech'el j'al-mantal ta ba'yuc
be avu'un,
yu'un ta smeltsan abe ta yo'nton cristianetic
—xi—.

3 Ja' ta x'avan ta xocol banamil:

Polbeic sbe Cajvaltic, —xi—.

Tuq'uibtasic sbiq'uit-be xi," ta xal ta svun
Dios.

4 Jech la spas li Juane, c'alal lic yac' 'ich'-vo' ta
xocol banamil. C'alal la scholbe sc'op Diose, laj yal
ti ja' ta xac'be 'ich'-vo' boch'otic isutes yo'ntonique.
Jech ta x'ac'batic perdón yu'un smulic.